

Enformaziuns y comunicaziuns

Plata de Ploania: Con cöst'edema à motü man da colaboré pla Plata de Ploania Angela Zingerle, co fistidiëia da s'en ennant da mëter adöm la pert con i impuls religiosc, y Margot Pisching, co fistidiëia dal calënder dles SS. Mësses. A ères n bel iolan por la colaboraziun y i ti aodun che le sorvisc i scinchi trepa ligrëza.

Festa dla Racolta: En domëgna ai 7 d'otober èl endô Festa dla Racolta. Les uniuns è periades da mëter adöm na suplica y la porté dant pla prozesciun, te plaza dla nodadoia.

Curs: La Uniun dles Ères d'Al Plan organisëia n curs da fà cripeles con Gottfried Rubatscher y sôa só Rita. Le pröm iade en lönesc ai 15/10 ales 19:30 tal raiun artejanal Gran Pré, tla cîasa olache al è le pech Martin. Da s'anunzié èl pa Annamaria de Lex al 0474/501286 o 334/6102551. Le numer de partezipanë è limitê.

Comun: Al vën lascé alessëi che cîna ai 12/10 èl proibì da transié con auti sora les 7,5 tonelades sôn la strada comunala La Pli - Brach.

Jogn: Le Sorvisc ai Jogn adöm al Raiun sozial chir dôes animadësses por le proiet "Grup por mitans", co vën fat tlò Al Plan por dui iadi al'edema, da otober 2012 cîna aorì 2013. Enformaziuns ciafëise al 0474/523070 (Verena).

Formaziun religiosa: Le Consëi de Cöra d'La Ila mët da jì en curs de formaziun dal titul "La Bibia - Fontana dla Vita", dai 18 ai 20 d'otober. An empararà da lì la Parora de Dio y an jarà a descori les "perles pr#ezioses" ch'i ciafun tla Sacra Scritöra, con Padre Giuseppe y la Comunità Abbà. Chi co ne sciafia nia da tó pert a düc i dis, po incé tó pert a manco ores. Enformaziuns y iscriziuns pa Lilly al 0471/847073 o mail a sandra_frenademez@yahoo.it.

Ofertes empede ciöf sôn fossa por le +nt Tone Erlacher de Corcela

por la Uniun de San Vinzenz: fam. Ploner Felix y Antonella, fam. Videsott André, fam. da Pederü; **por la Kinderkrebshilfe:** Martha de Corcela con mituns; **por le Kinderdorf:** Jep Palfrader y Christine, Erlacher Markus y Monica con familia, Martha Erlacher con mituns; **por SS. Mësses:** fam. Erlacher de Corcela, Martha Erlacher con mituns, Matio Erlacher, fam. Frontull Iaco y Monica; **por la Südtiroler Krebshilfe:** Martha Erlacher con mituns, Scora dai Schi Sporting, fam. Frenademetz Bruno y Paula, fam. Arnold y Gabriella Complojer, fam. Pitscheider Bruno y Lies, fam. Anita y Oskar Moling; **por la Dlijia:** fam. Taibon - Borroni, fam. Frenes Pire y Elsa, Erlacher Peter con familia, les sorus de Michele, Obojes Rico, fam. Trebo Hermann, fam. Erlacher Eduard, Margot y Willy Kastlunger, fam. Hans y Elsilia Kircher - Le Sest, fam. Adolf y Maria Erlacher, Clara, Gertrud y Karin Oberbacher, Pizzinini Wilma y Roland, fam. Thomas Rubatscher - Longega. **Dër bel iolan y Dio s'al pàii!**

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00

Comunicaziuns - cîna al dédemesaledema sêra - da mené a: Pablo Palfrader
Tel. 333 4762010 Mail: ploaniaalplan@gmail.com

Ploania da descîarié sôn www.comun.mareo.bz.it y sôn www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

26. Domëgna dal ann liturgich B, ai 30.09.12 - nr. 43

Edema dla Fede: Al Plan - dai 8 ai 14 d'otober

En gaujiun dal Ann dla Fede, co mët man ai 11 d'otober, è la comunité dër bel enviada da tó pert al'Edema dla Fede, con deplü referac, y momoné por la comunité. I referac è te calogna!!!

La Bibia desco scrin de tesurs por la vita

Le dëdölönesc ai 9 d'otober ales 20:00 vara ennant con le referat dal canonicus Siur Ulrich Fistill, co baiarà dal tema: "La Bibia desco scrin de tesurs - La Sacra Scritöra è plëna de sapionza por la vita y fontana de fede." Tresfora nes vëgnel pité enformaziuns y consëis por la vita, y gonot ne sàns nia plü a ci crëie. Le referat prejentëia esperionzes de fede y de vita che an ciafa tla Sacra Scritöra. Chi co mina da conëscë döt ci che la Bibia pîta, se fajarà de morvëia de tan concrec che i consëis è.



Crëie te Gejù, crëie desco Gejù

La jöbia ai 11 d'otober ales 20:30 saràl en referat con Don Paolo Renner, dal titul "Crëie te Gejù y desco Gejù, ci nes portel pa?" Al pö che crëie sii donté encö en luxus o val' por la jont vedla. Crëie va endere debojügn por vire, al ti dà plü cualité ala vita. De cösc baiarunse cösta sêra, pienn ia dla fede de Gejù, por splighé le significat dla fede te Gejù.

Les scetes y l'esoterica

En vëndres ai 12 d'otober ales 20:00 saràl Siur Sepl Granruaz co baiarà dal tema "I mius tips (socréc) por vire la vita saorì y lisiera: l'esoterica". Al gnarà mostré sô empröma düc i cîamps te chi che l'esoterica s'armer, desco les stêres y planêc, psicologia, cultures indianes y cinejes, telepatia, forzes naturales ascognüdes etc. Spo gnaràl proé da descri les desferonzies (p. ej. degünes oblianzas morales o responsabilitês, mâ rituai), y al gnarà incé porté val' confrunc con la religiun cristiana y l'opera de Gejù.

Gran Mëssa dla Comunità con Agape

L'Edema dla Fede va a piz la domëgna ai 14 con la Gran Mëssa dla Comunità ales 10:00, te dljia. Dertan mëssa gnaràl mostré sô retrac y impresciuns fora dles ativitês de Dlijia y de nosta Ploania tai ultimi tomps. Dedô è düc enviês al Agape co sarà sô te calogna baséte. La comunité è dër bel periada da porté val' da mangé da partì con i atri. Cösc pôn porté te calogna dan mëssa.

SS.Messes y Funziuns dai 30 de setember ai 7 de otober

Domegna 30.09 – XXVI dal ann liturgich B


oferta por i bojügns dla Ploania

6.30: Messadora ia La Pli

9.30: Corona por +nt Tone Erlacher, Corcela

10.00: S.Messa por +nt Tone Erlacher
S.M. por les Püres Animes
S.M. por +nt Christian Vollmann da Ras
S.M. por +nt Guido Rindler de Pal

12.00: S.M. de rengraziamont de 100 agn dla Ücia
Lavarella Fanes, Fam.Frenner



Lönesc 01.10: Sa. Teresa dal Bambin Gejù: Roman, Remigio

7.15 S.M. por +nt Franz Erlacher, La Stöa
S.M. por +nc'Marianna y Franz dal Medo
S.M. ad int. de Fam.Erich y Teresa de Cassl

Dedolönesc 02.10: Memoria dai Agni Custodi: Beregis, Iaco

18.00 S.M.de rengraziamont ai Agni Custodi

Dedemesaledema 03.10: dla 26.edema dal ann: Ewald, Irmgard,

18.00 S.M. por +nt Giovanni Planatscher
S.M. por +nc'Clara Franz, Carolina y Maria
S.M. por +nt Franz Comploi, Villa Rosa
S.M. por +nt Michele Terza

Jöbia 04.10: Memoria de S. Francesch d'Assisi, Franz Xaver

18.00 Corona de rengraziamont por la ciaussa

Vendres 05.10: Pröm vendres dal mens: Plazido, Bortol, Raimund

7.10 S.M. dai scolari
S.M. por +nt Erardi Celestino, Pelegirin
S.M. por +nt Hermann Craffonara
S.M. por +nc de Ferdigg Feichter Angela

12.50 Al ven porté la S.Comuniun ai amares

15.00 Ora de adoraziun y oraziun

Sabeda 06.10: Pröma sabeda dal mens: S. Bruno, S. Isidor

17.00 Poscibilitè da se pissié

18.00 S.M. de rengr.in onù dai Agni Custodi
S.M. ad intenziun dla Fam. Rungger Tone y Diana
S.M. por +nc de Treo


S.M. por +nta Kehrler Notburga, Costamesana

Domegna 07.10: Segra dal Rosare – Festa dla Racolta


6.30 Messadora ia La Pli

9.30: S.M. de rengr. dla racolta, ai Agni Custodi

Dedô prozesciun encer le paisc



M. H. Olbertz



Wir dürfen die Bibel nicht wörtlich nehmen, aber wir müssen sie ernst nehmen. Das zeigt sich gerade auch wieder am Evangelium des heutigen Sonntags. Es ist keine Anleitung zur Selbstverstümmelung, doch ernste Mahnung, den Blick auf unsere dunklen Seiten zu richten: Wen verletzen wir verbal, wo greifen wir zur Gewalt? Nur wenn wir davor nicht die Augen verschließen, ist Heilung möglich.



DAI MITUNS ANSE TREP DA EMPARÉ

Gejù tol trec ejompli dai pici y dai mituns; do ëi podunse orienté nosta vita cristiana.

Degöna scala de nüsc tomps tin, sc'ara è ma fondada sön suzès y roba. Te na comunité de fede dèssera ester atramonter: Le plü debl dà dant le tempo.

Sorvisc dai Ministronc

Domëgna 30/09 - 10:00h: Esther Comploi, Simone Crusafio, Davide y Sara Fontanella, Miriam y Alessia Kaneider; **Lönesc (7:15h),** **Dédemesaledema (18:00h) y Vëndres**

(7:10h): Anna Chierchia, Catarina Frenner; **Sabeda 18:00h:** Emilie y Richard Comploi, David Doria, Angelo Marku, Samuel Castlunger, Alex Rubatscher; **Domëgna 07/10 - 10:00h:** Viktoria Frontull, Max, Jan y Vanessa Obwegs, Martina Kaneider, Maria Huber.

